

## TŌKU REO 2 WHAKAARI 2 MĀORI

- MARUIA: Ahakoa pēhea te maha o o tirohanga i tēnā pepa, e kore e kitea he ingoa hou.
- MĀTAI: Kāore e kore, tērā anō tētahi.
- MARUIA: Kao. Waea atu ki a Wiremu. Hoatu ki a ia.
- MĀTAI: Pēhea a Tiare?
- MARUIA: E warea ana ia ki te tiaki tamariki.
- MĀTAI: Tokohia ana tamariki?
- MARUIA: Tekau mā rima.
- MĀTAI: Ropata?
- MARUIA: He nui rawa tana utu.
- MĀTAI: E hia tana utu?
- MARUIA: Ono tekau mā rima.
- MĀTAI: I te rā?
- MARUIA: I te haora. Me waea atu ki a Wiremu, kua oti. Hāwhe haora, ka tae mai tō kōkā.
- MARUIA: Māu rānei ia e ako.
- MĀTAI: He aha tana nama waea?
- MARUIA: Kia ora. He aha te nama waea o Wiremu?
- KUIRANGI: Ko tēhea o ana waea?
- MARUIA: E hia ana waea?
- KUIRANGI: E whā.
- MARUIA: Waeahia katoatia atu, kiia atu kia haere mai ki te hui.

### HĀWHE TUARUA

- WIEMU: Kia ora tōku rangatira...ōku rangatira.
- MĀTAI: He mahi anō tā māua māu.
- WIEMU: He mahi whakapai whare anō? Ka pai. E mate moni ana au.
- MĀTAI: Ehara, he mahi ako whiu motukā kē. He ako i taku kōkā ki te taraiwa.
- WIEMU: Pono? Ka mau te wehi. Ko taku mea tino pai rawa tēnā, he motukā.

MĀTAI: Kia tika hoki, kāhore kē o motukā.

WIREMU: He motukā āku.

MĀTAI: E hia ō motukā?

WIREMU: Rua tekau mā rima.

MĀTAI: Nē? Kei te haere rānei?

WIREMU: Kāhore i tēnei wā. Koia au i kī ai, e mate moni ana au.

KUIRANGI: Kia ora whaea.

MĀKOHA: Tēnā koe e hine. Kei te haere mai ahau ki te ako.

KUIRANGI: Me noho whaea. E kore e roa. Whakakiia mai koa tēnei pepa i a koe e tatari ana.

Kia ora, kei konei a Whaea Mākoaha.

WIREMU: Kia ora Whaea, ko Wiremu taku ingoa. Ko au tō kaiako whiu motukā.

MĀKOHA: Tēnā koe Wiremu. Me awhina koe i a ahau ki te whakakīki i te pepa nei. Kua mahue aku mōhiti ki te kāinga. He iti rawa ngā tuhituhinga nei.

WIREMU: E hia o tau whaea?

MĀKOHA: Rima tekau mā whitu. He aha ai?

WIREMU: Kāhore. He aha te mea e raru nei koe?

MĀKOHA: Te pātai nei, kua akona rānei ahau e tētahi atu kaiako whiu motukā i mua...

WIREMU: Ehara au i te tuatahi?

MĀKOHA: Ko koe taku kaiako tuawhitu.

WIREMU: Nē? E hia ō whakamātautau i mua?

MĀKOHA: Ko tēnei taku whakamātautau tuarima.

MĀKOHA: Ka kata koe?

WIREMU: Ae ra, kua piki haere taku utu.